

ON RUDE RAUYEU D' DINTS.

Nosse raueû d' dints, c'è-st-on-ârtisse !
Li Jo vint co d'è yèsse tèmwin.
S'i n'atrape nin one boune djanisse
Di ç' tchôte-ci, dji n'î comprind rin :

« – Quand on-z-a dandjî d' sès sèrvices,
Tot quî qui sint ossî on dint,
Tot sowaîtant qui l' diâle l'apice,
Li va trover pusqu'i faut bin.

I n' vaut nin d'dja lès pwin.nes qu'on choûte
Lès-èspliquéyes qu'i vos va d'ner !
Lès bèlès fauves, come lès pus coûtes,
Lès raueûs d' dints l's-ont inventé. »

« – Dji v' va fé one pitite piqûre !
Faurè sayî di v' rapaujeter !
Vos n' sinteroz rin, fuchîz-è sûr,
À condicion di m' lèyî fé. »

Là-t-i nin qu'on côp l' piqûre faîte,
I lache si sèringue su l' cossin.
Mins l'ome, li, ç' n'èst nin là qu'i r'waîte,
I s'achîd d'ssus tot simplèmint.

Si nosse bon fieû, qui razouye l'ôte,
Si d'mande qué bièsse què l'a piqué,
Ci n'èst qu' po ça, à l' fin do compte,
Qu'i s' cotape èt s' mète à bwêrler.

« – Vos m' dîroz quand vos sèroz près' !
Èst ç' qui ça v's-avance di criyî ?
– C'èst qui l' racène va j'qu'à mès fèsses !!!
Quî ç' qu'aureut jamaîs stî sondjî ??? »

Avri 2011
Albert Delvaux